

Y Sir Ddinbych a Garem 2022-2027

Bob pum mlynedd, mae'n rhaid i'r Cyngor gynhyrchu 'Cynllun Corfforaethol'. Mae'r cynllun hwn yn rhoi ffocws i'r Cyngor ac yn helpu pob gwasanaeth yn y Cyngor i weithio gyda'i gilydd, i gynllunio a chyflawni amcanion penodol fydd yn helpu i wneud Sir Ddinbych yn well lle i fyw ynddo, ac i bobl weithio ac ymweld â hi.

Dechreuodd y Cynllun Corfforaethol presennol yn 2017 a bydd yn dod i ben yn 2022. Roedd y blaenoriaethau a nodwyd i'r Cyngor yn y Cynllun Corfforaethol presennol yn cynnwys:

Tai: Mae pawb yn cael eu cefnogi i fyw mewn cartrefi sy'n diwallu eu hanghenion. Dysgu mwy am Flaenoriaeth Gorfforaethol Tai

Cysylltu Cymunedau: Mae Cymunedau wedi eu cysylltu ac mae ganddynt fynediad at nwyddau a gwasanaethau yn lleol, ar-lein a drwy gysylltiadau cludiant da. Dysgu mwy am Flaenoriaeth Gorfforaethol Cysylltu Cymunedau

Cymunedau Cryf: Mae'r Cyngor yn gweithio gyda phobl a chymunedau i gynyddu annibyniaeth a chadernid. Dysgu mwy am Flaenoriaeth Gorfforaethol Cymunedau Cryf

Yr Amgylchedd: Deniadol ac wedi'i ddiogelu, gan gefnogi lles a ffyniant economaidd. Dysgu mwy am Flaenoriaeth Gorfforaethol Yr Amgylchedd

Pobl Ifanc: Man lle bydd pobl iau am fyw a gweithio ynddo a chanddynt y sgiliau i wneud hynny. Dysgu mwy am Flaenoriaeth Gorfforaethol Pobl Ifanc

Beth rydym ni eisiau ei wybod?:

Rhwng mis Mai 2021 a mis Gorffennaf 2021, cynhaliom ymarfer ymgysylltu o'r enw Parhau â Sgwrs y Sir. Yn yr ymarfer, gofynnwyd i bobl roi gwybod i ni beth oedd eu barn am y blaenoriaethau corfforaethol ac a oeddent yn dal i fod yn berthnasol ar gyfer 2022-2027.

O'r gweithgaredd ymgysylltu dechreuol hwn, rydym wedi creu themâu drafft ar gyfer ein cynllun corfforaethol newydd.

Fe hoffem glywed eich barn.

Y dyddiad cau ar gyfer pob ymateb yw dydd Gwener 11 Mawrth 2022.

Arolwg:

Helo. Dywedwch wrthym beth yw eich barn am ein themâu drafft ar gyfer Y Sir Ddinbych a Garem 2022-2027

Rydym wedi meddwl am y themâu canlynol:

- Tai
- Yr Economi
- Pobl Ifanc
- Cysylltu Cymunedau
- Yr Amgylchedd a'r Hinsawdd
- Mynd i'r afael ag Amddifadedd

- Cyngor a gaiff ei redeg yn dda ac sy'n perfformio'n uchel

Byddwn ni'n cyflwyno amlinelliad a rhai cynigion allweddol ar gyfer pob thema, a byddwn yn gofyn i chi i ba raddau ydych chi'n cytuno bod y dull gweithredu'n gywir.

Os nad ydych chi am ateb unrhyw un o'r cwestiynau, gallwch eu gadael yn wag a mynd i'r cwestiwn nesaf.

Gallwch gwblhau'r arolwg yn ddiennw, neu gallwch ddarparu manylion cyswllt os hoffech gael y wybodaeth ddiweddaraf wrth i ni barhau i ddatblygu ein cynllun corfforaethol newydd.

Thema 1: Tai

Yr hyn rydym ni ei eisiau

Darparu cyflenwad digonol a fforddiadwy o dai o ansawdd da, gan fynd i'r afael â darpariaeth sy'n fforddiadwy i bobl ifanc yn yr ardal

Enghreifftiau o'r hyn y byddwn ni'n ei wneud:

- Sicrhau bod holl gartrefi presennol y cyngor a rhai a gaffaelwyd yn defnyddio ynni'n effeithlon iawn
- Darparu cartrefi tai arbenigol i bobl hŷn
- Lleihau nifer y bobl sy'n dod i'r gwasanaeth digartrefedd
- Cefnogi pobl ifanc i gael mynediad at dai addas
- Parhau i gefnogi landlordiaid i ddod â chartrefi gwag yn ôl i ddefnydd

Thema 2: Yr Economi

Yr hyn rydym ni ei eisiau

Cefnogi adferiad economaidd ar ôl y pandemig gan gynnwys nodi a manteisio ar gyfleoedd i uwchsgilio preswylwyr a'u galluogi i gael mynediad at gyflogaeth ac incwm addas.

Enghreifftiau o'r hyn y byddwn ni'n ei wneud:

- Cydweithio â Bwrdd Uchelgais Economaidd Gogledd Cymru a phartneriaid i ddarparu'r prosiectau a nodwyd dan Fargen Twf Gogledd Cymru
- Darparu mentrau newydd a gytunwyd dan y Gronfa Ffyniant Gyffredin a'r agenda Codi'r Gwastad gyda Llywodraeth y DU, partneriaid a chymunedau
- Archwilio cyfleoedd i dyfu a hyrwyddo Economi Werdd Sir Ddinbych gyda busnesau, a sicrhau bod modd i'n preswylwyr sicrhau swyddi yn y sector hwn

Thema 3: Pobl Ifanc

Yr hyn rydym ni ei eisiau

Darparu safonau rhagorol o ran addysg, trwy ddarparu cefnogaeth a gofal i bob dysgwr ddiogelu eu hiechyd meddwl a'u lles

Enghreifftiau o'r hyn y byddwn ni'n ei wneud:

Darparu cyfleusterau addysg modern newydd dan Fand B Rhaglen Ysgolion yr 21ain Ganrif Llywodraeth Cymru.

Cynnwys y fframwaith ar gyfer y Dull Ysgol Gyfan o ran iechyd meddwl a lles

Sicrhau ein bod yn diwallu anghenion dysgu ychwanegol (ADY) plant a phobl ifanc yn y cod ADY newydd mewn ysgolion a lleoliadau nas cynhelir.*

Cynnig lleoliadau gwaith yn y cyngor bob blwyddyn i bobl ifanc.*

Cefnogi ysgolion a lleoliadau nas cynhelir i ddarparu'r cwricwlwm newydd i Gymru i sicrhau bod ein dysgwyr yn dod yn oedolion galluog, uchelgeisiol, mentrus, moesegol, iach a hyderus.

*Amcan cydraddoldeb

Thema 4: Cysylltu Cymunedau

Yr hyn rydym ni ei eisiau

Cynnal isadeiledd ffyrdd o ansawdd da gyda chysylltiadau cludiant da a chysylltiad band eang.

Enghreifftiau o'r hyn y byddwn ni'n ei wneud:

- Darparu buddsoddiad newydd yn ein rhwydwaith ffyrdd a gweithio gyda Llywodraeth Cymru i ddisodli Pont Llannerch.
- Cefnogi cysylltiad band eang mewn cymunedau gwledig trwy bartneriaethau Ffibr Cymunedol.
- Datblygu a gosod rhwydwaith cyhoeddus da o fannau gwefru cerbydau trydan ar draws y sir, gan weithio gyda'n partneriaid rhanbarthol hefyd.
- Darparu llwybrau Teithio Llesol newydd a chynhwysol ar draws Sir Ddinbych mewn partneriaeth â Llywodraeth Cymru *
- Adolygu gwasanaethau cludiant mewn cymunedau gwledig, gan weithio gyda phartneriaid i ystyried cynlluniau fel bysiau a thacsis Fflecsi.

*Amcan cydraddoldeb

Thema 5: Yr Amgylchedd a'r Hinsawdd

Yr hyn rydym ni ei eisiau

Diogelu ein hasedau naturiol ac amddiffyn cymunedau yn erbyn newid hinsawdd.

Enghreifftiau o'r hyn y byddwn ni'n ei wneud:

- Trosi pob cerbyd masnachol ysgafn sy'n eiddo i'r cyngor yn gerbyd trydan
- Gweithio gydag ysgolion i leihau'r defnydd o blastigau untro
- Adeiladu ein gwasanaeth gwastraff newydd a'r depo i gynyddu cyfraddau ailgylchu
- Parhau i ddarparu cynlluniau amddiffyn rhag llifogydd i leihau'r perygl o lifogydd
- Darparu yn erbyn ein Strategaeth a Chynllun Gweithredu yr Hinsawdd a Newid Ecologol, â'r nod o fod yn gyngor carbon sero-net ac ecolegol gadarnhaol erbyn 2030

Thema 6: Mynd i'r afael ag Amddifadedd

Yr hyn rydym ni ei eisiau

Mynd i'r afael ag amddifadedd disymud a'i heriau cysylltiedig y mae rhai o'n cymunedau'n eu hwynebu.

Enghreifftiau o'r hyn y byddwn ni'n ei wneud:

- Ehangu ein cynnig prydau ysgol am ddim i bob disgybl ysgol gynradd, mewn partneriaeth â Llywodraeth Cymru.*
- Galluogi pobl ar incymau isel i gael cyfleoedd gwell am alwedigaethau gwerthfawr, gan gynnwys gwirfoddoli, profiad gwaith a chyflogaeth am dâl *
- Cefnogi ein Haddewid Dim Hiliaeth a hyrwyddo dim goddefgarwch i hiliaeth ar draws y cyngor.*
- Parhau i gefnogi ac adsefydlu teuluoedd sy'n ffoaduriaid o Syria a darparu llety i deuluoedd o Affganistan trwy'r Rhaglen Adleoli a Chynorthwyo Affganïaidd.*
- Sicrhau bod Landlordiaid Cymdeithasol Cofrestredig yn darparu llety iach sy'n bodloni safonau Llywodraeth Cymru.
- Datblygu cynlluniau cydlynus ar gyfer mynd i'r afael ag amddifadedd gyda sectorau eraill.

*Amcan cydraddoldeb

Thema 7: Cyngor a gaiff ei redeg yn dda ac sy'n perfformio'n uchel

Yr hyn rydym ni ei eisiau

Bod yn gyngor teg, tryloyw, sy'n perfformio'n dda, sy'n cynrychioli gwerth am arian ac sy'n ymateb i'w gwsmeriaid.

Enghreifftiau o'r hyn y byddwn ni'n ei wneud:

- Gwella perthnasoedd gyda'r cyhoedd (gan gynnwys pobl o gefndiroedd amrywiol a grwpiau nas clywir yn aml) trwy roi sylw i wasanaeth i gwsmeriaid, bod yn dryloyw am beth gallwn ac na allwn ei wneud, a gwrandao ar farn a phrofiadau ein cymunedau.*
- Sicrhau llywodraethu da a pherthnasoedd gweithio da rhwng Cynghorwyr a staff, gyda safonau uchel o ran ymddygiad.
- Hyrwyddo diwylliant cryf o ran rheoli perfformiad a bod yn dryloyw o ran sut rydym ni'n gwneud fel cyngor.
- Llunio trefniadau gweithio newydd i'n staff, Cynghorwyr a'r Cyngor er mwyn galluogi rhagor o hyblygrwydd o ran arferion gweithio o ddydd i ddydd (os yw'r rolau'n caniatáu) ac amrywiaeth ymhlith ein staff a'n Cynghorwyr*
- Creu cyfleoedd trwy'r Gymraeg sy'n canolbwyntio ar gymunedau a chwarae ein rhan wrth gyflawni miliwn o siaradwyr Cymraeg, cynnwys ein Strategaeth y Gymraeg 2022 i 2027 a'n Strategaeth Cymraeg mewn Addysg.
- Sicrhau bod diwylliant cryf o ddiogelu plant ac oedolion agored i niwed yn y cyngor, gyda'r holl staff wedi cwblhau hyfforddiant gorfodol.*
- Sicrhau mynediad cyfartal i gyfleoedd cyflogaeth yn y cyngor, a bod pob gweithiwr y cyngor yn cael cyflog teg.*

*Amcan cydraddoldeb

Dywedwch wrthym i ba raddau ydych chi'n cytuno â'r thema Cyngor a gaiff ei redeg yn dda ac sy'n perfformio'n uchel a'n cynigion dechreuol